

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koju zastupa policijski komesar, Generalni inspektor policije Fatmir Hajdarević, (u daljem tekstu Ugovorni organ)

i

SHOT d.o.o Zenica, Zmajevačka cesta 55C, ID: 4218126090005, koga zastupa direktor vedran kljucanin, (u daljem tekstu: Dobavljač)

Zaključili su:

UGOVOR O NABAVCI DIJELOVA UNIFORME ZA POLICIJSKE SLUŽBENIKE (LOT 4 – Cipele i čizme)

Član 1.

Predmet ovog Ugovora je nabavka dijelova uniforme za policijske službenike Lot 4 - Cipele i čizme:

1. Plitke taktičke patike – 1260 pari
2. Poluduboke čizme – 1260 pari
3. Svečane cipele muške i ženske – 15 pari (12 pari muških i 3 para ženskih)
4. Taktičke čizme – 10 pari

Nabavka je izvršena putem otvorenog postupka, broj odluke o pokretanju postupka javne nabavke 02-11-4-7154-30/24 od 25.07.2024. godine.

Ugovor se zaključuje u skladu sa uslovima iz tenderske dokumentacije i ponudom Dobavljača. Ponuda broj 24-204-KT-5 i prilog 24-204-KT-6-1-KT, sastavni je dio ovog Ugovora.

Član 2.

Ukupna cijena ovog Ugovora za predmetnu nabavku iznosi do 762.200,00 (sedamstotinašezdesetdvijehiljadedvijestotine i 00/100)) KM bez PDV-a.

Ukupna vrijednost ovog ugovora iznosi

- 891.774,00 (osamstotinadevedesetjednahiljadasedamstotinasedamdesetčetiri i 00/100) KM sa uključenim PDV-om.

Dobavljač se obavezuje na nepromjenjivost ponuđenih cijena tokom cijelog ugovorenog perioda i da će pod istim uslovima u periodu trajanja ovog Ugovora vršiti isporuke predmetnih roba, za potrebe Uprave policije Ministarstva unutrašnjih poslova Kantona Sarajevo.

Član 3.

Dobavljač se obavezuje da će isporuku izvršiti u roku od 120 (stotinu dvadeset) dana od dana potpisa ugovora.

Sve troškove isporuke do primopredaje, kao i troškove reklamacije snosi Dobavljač.

Član 4.

Nakon isporuke robe koja je predmet ovog ugovora, ovlaštena osoba Dobavljača je obavezna ovlaštenoj osobi ispred Ugovornog organa dostaviti otpremnicu za isporučene robe (po vrsti i količini) u dva primjerka, koja je uredno ovjerena i potpisana

od strane ovlaštene osobe Dobavljača. Po prijemu robe otpremnicu potpisuje i ovlaštena osoba Ugovornog organa, zadužena za prijem robe u magacinu.

Nakon formalnog preuzimanja robe od strane ugovornog organa obaviti će se vizualnu kontrolu robe baziranu na upoređivanju s odobrenim uzorkom dostavljenim uz ponudu u pogledu veličine (kontrola mjera – razmjernik veličina), boje, propisanih parametara dimenzija i sličnih parametara.

Broj uzoraka za vizuelnu kontrolu u zavisnosti od broja komada preuzete robe.

| Broj komada u isporuci | Broj uzoraka za pregled |
|-------------------------------|--------------------------------|
| Do 50 | 3 |
| 51 - 150 | 10 |
| 151 - 500 | 20 |
| 501 – 3200 | 50 |
| 3201 - 10000 | 100 |

Osim vizuelne kontrole nakon formalnog preuzimanja robe izvršiti će se obavezno laboratorijsko ispitivanje uzoraka u akreditovanoj laboratoriji, nasumično uzetog od strane ugovornog organa radi provjere usklađenosti sa tehničkim uslovima tenderske dokumentacije. Slučajni uzorak će se uzeti u prisustvu ugovornog organa i dobavljača robe, o čemu će se sastaviti zapisnik.

Ugovorni organ prema ličnoj procjeni na laboratorijsko ispitivanje šalje po jedan slučajni uzorak od svake vrste cipele i čizme.

Laboratorijsko ispitivanje nakon uzorkovanja ugovornog organa obaviti će akreditovani laboratoriji o trošku ugovornog organa. Kopiju dobivenog laboratorijskog nalaza ugovorni organ će dostaviti dobavljaču.

Ugovorni organ će preuzeti robu samo ako je u skladu s propisanim elementima tenderske dokumentacije. U slučaju da rezultati laboratorijskih testiranja ne odgovaraju tehničkim specifikacijama iz tenderske dokumentacije, dobavljač će snositi troškove laboratorijskog testiranja, kao i trošak uništenja dijela uniforme koji se testirao, a ugovorni organ će u ovom slučaju vratiti ranije preuzetu ukupnu količinu robe.

O isporučenoj robi će biti sačinjen zapisnik o kvantitativnom i kvalitativnom prijemu (čiji će sastavni dio biti otpremnica). Zapisnik se sačinjava u dva istovjetna primjerka, od kojih jedan zadržava Ugovorni organ, a jedan Dobavljač. Zapisnik će biti potpisan od strane ovlaštenog lica Ugovornog organa i od strane ovlaštenog lica Dobavljača. Sve primjedbe na izvršenu isporuku će biti konstatovane u zapisniku.

Ukoliko lice zaduženo za prijem robe konstatuje određene nedostatke u kvalitetu ili kvantitetu isporučene robe, neće se sačinjavati zapisnik o prijemu, već će se sačiniti zapisnik o reklamaciji, koji Ugovorni organ dostavlja Dobavljaču.

Ovlaštene osobe ispred sporazumnih strana će biti određene i strane međusobno obavještene o tome, u roku od 10 (deset) dana od dana potpisivanja ugovora.

Član 5.

Dobavljač se obavezuje priznati reklamaciju na kvantitet i kvalitet robe, koja će biti praćena zapisnikom o reklamaciji, uz obavezno navođenje nedostataka isporučene robe i datuma i broja računa (otpremnice) Dobavljača kako bi se zadovoljili uslovi reklamacijskog roka.

Roba će se smatrati uredno isporučenom tek kada u zapisniku o prijemu bude konstatovano da je primopredaja izvršena bez primjedbi.

U slučaju osnovanih primjedbi na ispunjenje sporazumnih obaveza Dobavljača, konstatovanih u zapisniku o reklamaciji, Dobavljač je dužan da o svom trošku učini sve da te nedostatke otkloni u što kraćem roku, koji će mu u zapisniku odrediti Ugovorni organ.

Član 6.

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku безусловne bankarske garancije u iznosu od 5% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Član 7.

Plaćanje će se vršiti u roku od 30 (trideset) dana od dana uredno izvršene isporuke i dostavljanja fakture, na tekući račun Dobavljača.

Član 8.

Ukoliko Ugovorni organ ocijeni da Dobavljač nije u stanju kontinuirano i kvalitetno izvršavati preuzete obaveze, odnosno ukoliko ponuđena roba nije u skladu sa datom ponudom iz člana 1. ovog Ugovora, Ugovorni organ može jednostrano, bez saglasnosti Dobavljača, raskinuti ovaj Ugovor.

Član 9.

Ugovorni organ zadržava pravo raskida Ugovora ukoliko roba u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Član 10.

U slučaju kašnjenja u isporuci, do kojeg je došlo krivicom Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1% vrijednosti naručene robe, za svaku navršenu sedmicu kašnjenja do urednog ispunjenja, s tim da ukupan iznos ugovorne kazne ne može preći 10% od ukupno ugovorene vrijednosti koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile.

Član 11.

Garancija Dobavljača iznosi:

1. Plitke taktičke patike – 2 (dvije) godine
2. Poluduboke čizme – 3 (tri) godine
3. Svečane cipele muške – 5 (pet) godina
4. Svečane cipele ženske – 5 (pet) godina
5. Taktičke čizme – 5 (pet) godina

i počinje da teče od datuma isporuke.

Dobavljač se obavezuje da će poštovati sve garantne uslove, a u toku trajanja garantnog perioda.

Ova obaveza Dobavljača se ne odnosi na štetu koja nastupi kao posljedica nestručnog rukovanja ili više sile.

Član 12.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u ugovoru pogođena višom silom odmah će u pisanoj formi obaavijestiti drugu stranu o nastanku nepredviđenih okolnosti odgovarajuće dokaze.

Član 13

Dobavljač nema pravo zapošljavati, u svrhu izvršenja ovog Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke Ugovornog organa, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 14

Na ostala prava i obaveze ugovornih strana, koja nisu regulisana ovim Ugovorom primjenjivat će se odredbe Zakona o obligacionim odnosima.

Član 15

Eventualno nastale sporove pri realizaciji ovog Ugovora, Ugovorne strane će rješavati

~~sporazumno.~~

U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.

Član 16

Ovaj ugovor je zaključen, kada isti potpišu obje ugovorne strane i traje do realizacije ugovorene obaveze obje ugovorne strane.

Član 17

Ovaj Ugovor izrađen je u 4 (četiri) istovjetna primjeraka, od kojih Ugovorni organ zadržava 2 (dva), te Dobavljač 2 (dva) primjerka.

DOBAVLJAČ ZA PROMET
SHOT d.o.o. Zenica


direktor Vedran Ključanić

UGOVORNI ORGAN
MUP KANTONA SARAJEVO
UPRAVA POLICIJE


POLICIJSKI KOMESAR
Generalni inspektor policije
Fatmir Hajdarević

Broj: 24-105-KR1
Datum: 29.11.2024.

Broj: 02-11-4-7154-43/24
Datum: 20.11.2024. godine